

復  
初  
齋  
詩  
集

復初齋詩集卷第十一

大興 翁方綱 正三

寶蘇室小艸一

癸巳九月至乙未正月

寶蘇名室以是年冬得宋槧蘇詩施顧注本也天際烏雲帖來歸則已六年矣先生三像拓本奉焉後又得朱蘭岬宋石門所畫笠屐圖皆奉於此

起居注館夜坐

右掖垣邊榻西清侶復聯窗開殘月影櫃鎖舊時編玉座光相直銅鑲撼不眠朦朧江海夢忽落曉鐘前

移居爛麪衙衙二首

每撥乞椀裹偷擅慣是新霜欲曙天

辛卯移館于廣州城東育賢坊壬辰

移居潘家河沿

皆在秋末冬初居定後成官定後十秋前溯廿秋前矮

窻土銚溫瞰入舊架荆扉冷蔓纏下學工夫貧士味要

分燈火到青編

半幅寒林借鬱然繩牀北際竈西偏巢鶯漫報東橋訊

屋東接葉亭別墅塘編修所居也

判乙曾來長史顛

屋券有張南華前輩書押四壁

磬懸雙石在比鄰茶話一瓶緣

汪彥孫助教家多藏書

街坊爛麪

名元好不敢隨人作懶眠

### 顏氏所藏魯公名印歌

魯公之書皆篆筆公印文亦公書匹匹寒色正屹兩字  
千五百年如烈日當時不識公何狀歷歲逾遠神逾出

朱文炯炯拜識之一縷孤光走虛室誰云文字記姓名  
浩然之氣在中實磊磊碑板琅琊郡未表公名萬分一  
朝衣羽服何分別箕尾列星以爲質敬之敬之方寸間  
子孫祠堂守無失我不敢呼但手摹已循偏傍增慄慄  
還之入篋日映憲猶有松呼暮濤疾

篆秋艸堂歌爲錢獻之賦

古籀篆隸四時配鄭杓衍極說有由欲推書契返至朴  
陰陽奇耦均剛柔仰觀俯察溯倉史勒銘鑄鼎先商周  
九千字書課尉律汝南測顯搜諸幽鼎臣楚金不可作  
誰演閩餘從孟陬我有艸堂不敢擬錢郎勁筆無匹儔  
虎坊橋東置一榻黃葉亭子觀九州苔紋石溜皆鐵畫

月涼露墮飛銀鈎顧乃謙將後時比下視綵僅寒冬侔

琴書昨將冬友託

獻之舊館嚴冬友侍讀齋

嘯歌今果秋士謀細思

將置我何地我書尚遜綵一籌行艸日借官牘尾摘藻

妄詡春華抽見君堂顏得無媿聽我贈歌子試酬秋者

萬物所成遂不必夷則吹金鞵竹秋三月麥四月春亦

有實夏有收古人於學匪翫物事事造極窮源流方今

圖書萃四庫四方鉛槧來諮諏子如奮飛必有用上者

編歲次校讐六書八體非一藝推於易象於箕疇告成

譬稼爲萬寶管子云歲有四秋此堂之兆蓋爲此況子

朝夕勤研求吾友紀公氣朗澈冰壺玉衡日相投一甌

春露容我坐四壁古色彝鼎舟我齋亦頓得秋意有子

大字題上頭

獻之昨爲子  
篆青棠書屋

買得蘇詩施注宋槧殘本卽商邱宋氏藏者

國初海虞有二本其一寅歲收六丁

順治七年  
十月事

維時湖

南寶晉叟把卷凭閣看飛英宋元舊本鏤次第獨此未  
及傳模型可憐醴泉化度法瑤臺戍削留娉婷也是園  
翁痛著錄不得再躡隄塵馨一朝東吳故家得四十二  
卷重汗青黃州判官有舊夢笠屐圖子來丁寧由儀篇  
忽上客譜東廣徼濫吹竽聽銜薑黠鼠到潛采衆目特  
讓查田醒江南書手費影寫掇拾想像於奇零施注實  
惟施願注施家蘇學詒過庭紹興書藏嘉泰歲淮東板  
出倉曹廳漢孺楷書作佳話湖州詩獄此又經石鼓文

與會稽志同時校槧新發劄

施武子又於淮東倉司訂石鼓文刻之嘉泰會稽志

卷末題云安撫使司校正書籍傅碑毗陵先生世莫識要以土蝕成青萍

宣和閒禁蘇氏文字學者私記其書曰毗陵先生

卷前惜闕譜及目世閒僅此

鳳與星適者又得顧禧集文字聚合憑精靈重開此本  
儻異日敢任嘉穀滋蝗螟摹公書帖奉公象笑彼亭長  
署杜亭我當焚香日望拜公乎弭節來雲軒

次韻蘊山見寄三首兼示雪門

以下甲午

連篇翰墨憶西園不得燈前與對論枕簟江山鈴閣靜  
從容坐嘯說

君恩

春蒲池畔綠勝編自薄蟲魚往歲箋山海闊深霑漑淺

故人詩句太相鏤

夢從江左溯江西風雨魚龍起聽雞秋水欄前十年侶  
花陰幾箇並巢栖

以廣東石刻數種贈竹君學使蓋欲易其安徽  
諸石刻也詩以代柬

十年不得聯牀話一笑先索償詩債春明對巷憶扳遊  
古寺東西聽梵唄眼明興到跡輒追子得頗多吾已隘  
後先持節出國門我則嶺東子江介校文之暇每舟車  
此物投人吐光怪山川須借文字氣洗剔不關袍笏拜  
虛名好古最累人措碑顧絳因興喟而我巾箱貯翠墨  
不問片紙文成壤絕壁時聞海鷗來捫蘿屢冒秋陽暉



羅浮巖麓經十度歸櫂潯陽吟九派爾時子正搆黃海  
九點池陽可一芥象之之目陳思編嶺南尚遜江南界  
梅花亭子記最豪楚金扁字卷如蠶玉堂典冊要子歸  
手裹羸糧起我憊花辰何以補契闊珠琲旋將出狡獪  
移我袖中東海石酌子天漿北斗漉三十六峯四百峯  
得我二人真一快新禽響借松風轉活泉禊又蘭舟屈  
更聞鄣香所察碑新入琳琅錄金薤明朝步屣過東家  
何用盡檢書籍賣

漢延熹西嶽華山廟碑歌爲竹君賦

漢安元嘉與永壽東京碑字皆未磨今人獨於此碑惜  
謂出中郎重摩挲或云會稽攷古誤太史郎那中郎過

元常元嘉卒史字稚圭信否圖經訛箭筈門間殿基礎  
嘉靖年以麤沙劇趙嘯所以慨作跋跋與洪趙非一科  
誰知此跋宛在此葉葉蠅楷如犖窠椒花舫深塵不到  
未展額篆先吟哦上溯周禮職方氏下薦巡狩豐年歌  
霸陵新豐地特紀袁君孫君績駢羅昭印瞻仰女汝合  
鑒亨字夏加切磋碑以鑒爲監亨爲享洪未釋者惟初分錄次仲作王  
蕭之志交相訶建初熹平源測委韓詩鄭易諺則那篆  
與隸分遞相減初但俯仰無撇波華山華亭記樊毅三  
碑皆系于光和建寧之前建初後篆隸斟酌無偏頗鎔  
金屈鐵六十字全文六百九十字今缺九十七字金精白帝高嗟峨三  
峯萬古一元氣想見於此旋羲娥精神融結到此本二

百年前已無多雲駒雲雛二東子墨莊樓中同手摩節

髯題曰郭香察小史遞以凍筆呵裝池一藝成故實方

于魯亦矜丸螺

趙子函跋華山王宏嘉用方于魯墨補書

松談閣又翠微閣

山史筆力追隸蝌孫顧二跋不可見諸老白髮來婆娑

百年又隨江南客星虹萬丈藏烟蘿君今輕裝南返北

一本匣抵千金馱君精六書勝于郭尉律不止言虞戈

宜討本原證文字昌黎所謂如懸河亭林昔亦吉金擬

但稽職司不及它一碑可以該漢隸婁機字源較若何

瘦銅舍人所藏宋榻汝南公主墓誌殘本裝潢

者誤分般革爲二字舍人自跋引蘭亭縫書僧

字誤曾爲喻屬爲題尾予因記此誌首云公主

隴西狄道人不知何時一本誤割公主隴西字  
遂從狄字讀起而鄭夾漈通志金石畧直曰虞  
世南所書狄道人墓誌此事相類漫書二詩於  
後

第三可補新書傳誰道紅綾幅未全筆髓一痕窻日影  
認來恐在米家前

戈波有幾落塵寰戍削虛無窈窕間何處道人眞姓狄  
玉扃金闕與仙山

阮吾山刑部秋雨停樽圖

畫京邸耶畫淮浦濃者樹石澹幃戶黯黯月與冥冥雨  
紅豆客取黃門語畫來一十四寒暑秋又轉春裘換紵

是日看花寺西圃花前私厨爲君酌春陰著人此廊廡  
君何爲兮獨延佇風窸簾兮雲翳渚竹爲騷騷松爲舞  
人生未免以襟貯秋痕酒痕一仰俯題詩花陰正晴午

送蔣石典試江西

大比掄江介斯文切典型先生尤有感此路昔曾經太

傅初持節章江共艤舫重來尋臭味詩話在家庭

庚午錢文

端再典江西試寄蔣石詩  
有悔不重遊廬阜邊之句

廿八年陳迹三千里驛亭蠶

湖秋雨白滕閣暮山青緬想老詞伯于今爭勒銘識先  
雷紫氣價漫薛青萍江右五家派庖丁一出礪歐會餘  
矩獲翼軫有精靈萬古眞響在三秋俯檻聽豔非翹翫  
翠銳或走雷霆昨者山谷像眞逢廬岳形新詩逾頓挫

舊夢必丁寧借問尋衣鉢何如建屋僦吸麗無畔岸學

杜肯畦町仙井人如在南州集未聆

元虞文靖嘗欲撰南渡以後詩爲南

州集而

不果橫斜看峯嶺曩歲竚沙汀賤子忝行役求師自

弱齡昌黎文幸假敬禮筆無停大藥能疴起高呼使寐

醒披榛見堂與連夕此窻櫺幾卷猶丹槩

席閒重訂汪厚石詩集

諸公倒玉瓶圖書聚東壁霧雨鬱南溟誰作金哥夢

子副錢文敏典江西試其秋江西人有夢神告曰金哥

哥來主試蓋前一科丙子金檜門宗伯典試夢者謂必

金公再來而不知重栽月桂馨兩株大梧葉仍覆校文

廳

試院桂二梧二桂是文端手種也

嵩山漢柏圖歌爲莫青友吉士作

嵩山三柏今二存一則俯攬一仰鸞或云周旋象風雨

或聞螺角相吹喧脫枝皴裂虬虺穴老骨突怒雷霆奔  
士人傳說荒怪甚圖經比擬稱引繁圖之山石勒不朽  
拓者閉日尋其源有頃望掃雙柏出四無粉墨傷無援  
我聞維嶽天峻極晷景上直中宮垣又聞嵩陽著感應  
卿雲瑞鶴徵類蕃倕佺上下風雨會汝頴含抱陰陽原  
二句曩插嵩陽觀碑中語李碑徐緣氣遒勁一千年久無苔痕此碑  
正在雙柏側君昔讀書雙柏根造物生成意有在物博  
根厚非朝昏譬諸模楷及喬梓或于其身于子孫俾爾  
茂承惟爾獨降維申甫人維藩大材培植古難遇山中  
韜養豈易言石幢題字又湮沒柏側舊有石幢唐宋人題識甚多漢封  
傅會何足論嵩志云漢武帝封此柏爲三將軍講堂已見宿鸞鳳碧巢

會引翔鵬鷓願君無忘待行日日石檻蒼煙捫

錢獻之上舍所摹盤石衛指揮使司夜巡牌

并序

衛在浙江溫州府樂清縣明洪武二十年置定海盤石  
金鄉海門四衛指揮使司於浙江竝海之地以防倭寇  
牌在今禮部官庫中

徑圍三寸邊鏤雲箭枚匪仿應劭云明初衛司置海縣  
夜巡特謹防海氛衛設五百四十七備倭不獨掌守勤  
玉環島扼全浙要黃華蒲岐諸水軍風帆沙澳胥應此  
厥名盤石非空文澤國鑄金掌節溯錢子答友稽古殷  
定陵昔訪程典故送往篆勢偏傍分牙牌編號著謹字  
程典故應魁辨篆書送往二字牙牌以  
謹字編號見新淦朱孟震遊宦餘談 此牌惜未編號



聞昇平大洋儼襟帶針程萬里波無紋摩挲片紙認陽  
識不比忞殿求秦斤

晨起同姬川陶然亭作

十日屯陰一日晴數峯纔啟半峯明何嘗信宿扶筇到  
但取蒼涼拄笏情當午校讐爭暑景幾時蒲葦又秋聲  
閑庭風雨閑街月此地從來欠合并

送辛楣典試河南

殿庭賦寶善詹事最崇班海內人胥望天中

命特頒斯文有圭臬測景渺河關伊洛盤迴氣嵩卬青

翠顏秀才科孰最鄉飲賦俱嫻

唐河南府試賦鄉飲禮

土沃滋培

久淇源左右閒先生持節地往者楚南還遂有登樓作

猶能起我頑

壬午辛楣使湖南予使湖北辛楣有登黃鶴樓見懷詩

大河連莽蒼

上秋響又潺湲井叔登封後中州志乘刪按羅逢此手

靈祕不能慳知爾摹金石囊中幾郡山

江寧周幔亭文學見予焦山鼎銘考釋蝕處胼

字謂其先翠渠公拓本此字尚可辨本藏閩中

康熙三十年其祖視鼎腹蝕處以告其尊甫曰

須識是胼字也詩來次答

末學寡承師竅啓非目力但媿勤蒐獵云胡瞻貍特新

詩枉來譽轉得因解惑翠渠與冰崖同朝齊翰墨事往

三百載

先襄敏公自衡州守轉江西左布政使翠渠有贈詩事在明成化初年

艱甚一蠶

測鰲峯本亦善

謂徐興公

籤厨光久匿焉得故老語一一如

舊識借問繫徐錯何如表江式

清涼山居圖歌爲江寧周幔亭賦

周郎奇情四方走與我同出莆人後署名仍曰莆田生  
山居自託清涼久翠微亭本南唐址石城麓卽陶谷口  
因山引水初鑿池疊土沿谿復成阜誅茅面勢橫畧約  
環翠開軒布花柳或來畦上看枰卦時坐泉邊讀蝌蚪  
自銘飛白篆綠分拓本鐘鼎尊壘卣就中尺考及泉錄  
細辨寸十揆府九惟初量衡生律度亦若文字相子母  
開元近雖信本稽安陽遠孰軒轅剖山下安中兩口重  
十品相權一律否建武建初制果合周尺漢尺堪爲偶  
意借五度審六書遂因識字更求友嗟予亦名青棠屋

圖中青棠書屋  
與予齋名同

寥落四壁空窻牖自蒲遷北三百載乞

椀搬薑亦何有讀君慢亭山館記亭俯山下南東畝慢  
亭本是武夷居賓雲儻憶芝田藪僮掃落葉兒讀書雪  
拾樵薪雨剪非他時過訪叩門識計日著書盈尺厚蘆  
溝秋陰君莫去青棠葉下且沽酒

丹叔編修以諸賢題馬士英畫冊屬賦

櫟園讀書傳畫人目無其人有其畫可憐其畫復何有  
枉作春風酒邊話施雨咸耶馮玉瑛施假馮真誰復爭  
士英貴後多倩施雨咸代筆見周亮工讀畫錄後  
人惡士英名改爲伎女馮玉瑛見張庚畫徵錄  
惜之又烟墨斷坡殘柳何重輕翰林閑窻重陳迹青谿  
水繞秦淮碧却憶銀燈畫舫看揚州司理紅橋夕

張丈子奇八十壽詩

寄園十載比鄰處憶得彭觥拄杖聲仍聽連牆經自授  
忽追侍側酒同傾交游除却談詩易鄉里誰偕敘甲庚  
蘇軾沈達皆丙子丹砂勾漏使人驚張與先大夫及包  
丙子介庵師近著易  
介庵師皆生康熙  
說詩說各若干卷

病中裕軒學士枉過兼辱新詩次韻奉酬二首

病間長者寄聲頻坐覺寒齋暖欲春掃逕霜風遲葉落  
不曾料著打門人

詩裏先拈葉落頻筆端三昧幻如春先生日日渾觀徼  
不比城南偶臥人

送黃忍廬都諫視學山東

霜臺久已矢虛公，洙泗掄才更不同。壁簡千年新

詔，輯堂開萬卷，舊家風。明湖亭檻秋光外，鷺尾山房夕

照中，重訪漁洋書庫在，娟娟香祖又成叢。尊甫崑圃先生於康熙庚

寅視學山東，刻漁洋詩話崑圃漁洋門人也。

謝金圃司空視學江南，王良齋給諫觀察廣西

同年小集，予病不赴，以詩代餞。

侍郎霄漢下，星槎給事聲。名動海涯同，日難逢。傾綠斝

幾年不共對，黃花楓江霜。冷澄秋鏡桂，海嵐陰鎖暮霞

盡醉莫辭車，緩牽嚴城未到樹。植鴉二公皆居內城故云

錢獻之南歸意盡送序中矣，復來索詩二首。

男兒得名早，此際保謙難。入洛無肩比，冲霄好羽翰。今

誰定文字僕獨好譏彈人海三年夢江頭試憶看

臨別留題卷縱橫大篆能方當尋鉉錯且莫傲斯水惠

氏前師在珠江故事徵說經吾八載力未一毫勝適以

學使廨藥洲圖屬獻之篆首也時令叔辛楮視學在彼獻之將往省之

馮魚山孝廉來京僦居法源寺題其屋壁二首

遠別慈親携弱弟廣州春又 帝城春煨柴佛粥荒寒

屋問字鄰牆懶漫人流水坊應風味在廣州學使廨後

曩所寓看花處獨性情真臘前三日籬根雪和我高歌定

有神

漫究三蒼括六書文章經訓一箇畚誰能浩浩尋源後

尚似循循下學初 天祿琳琅森壁府具宮眩晃出珊

瑚新知舊貫慙交集賴汝專心或起予

新會學官寄白沙集新刻本至感賦示魚山孝

廉

江門一水湖前賢手校遺編遂四年

重刻之役始辛卯春

子姓彬

彬能藏事門人矻矻有長箋

附刻湛文簡白沙詩教解二卷

春陽卽境

皆觀物風月何由到愛蓮碧玉樓高未親上每懷石記  
意茫然

送姚姬川郎中假歸桐城五首

以下乙未

十年通籍聯鷺侶兩載修書舊鳳巢今我餞筵猶積憾  
先生經解未親鈔枕江渴憶千竿竹負郭初無一把茅  
綠酒紅燈色飛處宦囊卷內盡貧交



縱觀當代述人文前輩諸公用意勤清廟明堂庀梁棟

深山大澤蓄風雲開元大歷非空貌秀水新城莫漫云

君去重編海峯集肯隨北地乞餘芬

劉廣文大樹  
姬川師也

滌岑失訪恨南還瀟岳青來逼大關夢寐舒王詩墨處

精靈洞谷石牛閒夜喧北郭松千鬣春動西畝水一灣

慈母康彊兒子長丈夫集莫號藏山

桐城錢田閒  
有藏山集

幾宵東觀繙書手忽撥殘更嶽頂雲示我天門詆蕩語

如披玉策赤青文飛揚逸氣鞭鸞鳳窈渺清齋寫典墳

江畔皖公山縱好有何巖壑可留君

姬川昨自泰安歸  
見示登日觀頂長

歌

新蔬軟脆帶春冰風味端宜筍蕨勝淡意回甘無物喻

苦言近辣有人憎紀侯秋夕綠詩瘳嚴子冬心抱病能

又到唐花風啟蟄桂宦雪灑讀書燈

前年送紀心齋嚴道甫皆于魚門此

齋中置酒也

### 孔菘谷戶部席上賦高麗茶花

海雲開凍魚可弋設鱸不減姜侯家泥封甕圻選大戶  
如借博望之銀槎嚴城晷短觴復急淪以異色甕甌茶  
小團斑斑帶蓓蕾碎如蒟薺連圓遺我聞圖經記東國  
茶具製自宣和誇亦有銀爐與湯鼎列俎幕布傳紅紗  
土產不及賜團貴別以卉種充新芽農曹博物妙評品  
煎點方法來海槎吹香似採松五葉導氣底用葎三椶  
吳君詩錄華氏賦風土近代煩梳爬

明會稽吳明濟有朝鮮詩選寧都華

越有朝鮮賦澆來胸中書傳味起尋架帙窻影斜飲此可以  
當飲酒且莫盞底供藏花

南厓學士新居招同諸公小集卽席賦呈

半年謀移居三秋苦霖淖及茲簷曝光復記燭同乘忽  
忽十六年別話儼俄頃秋當閩嶠去春尚校文竝南宮  
鎖院夕姑洗月維宵新月入窻楹舊句時記省逍遙堂  
後榻兄弟坡與穎不忍暫睽離旅思積衡永已卯冬學士奉使祭

告南岳

旋瞻藩牧節陟歷楚晉境叔也遊天都賤子度南

嶺萬里雲迴合相望精耿耿祕館所儲書 昌辰脫囊

穎末學厠典校燭火敢言炳叔也歸自南猶恐未合併  
天俾經術手縱之史才騁果遂對衡宇益覺親鄉井奎

壁森文昌照耀寒芒炯蓬島珠樹中一雙鴻雁影伊余  
慚弱羽亦自勵修整巢鳳揚其音臯禽敢違警公膺屏  
翰寄鈴閣常鎮靜何減在館垣洗心外務屏大被況奇  
溫重幃不淒冷築堂名鄂不一氣聯根梗南卽椒花舫

令兄箚河  
齋名也

庫排甲乙丙養素富籤帙

崑圃黃  
先生

研山羅鐘

鼎退谷孫  
先生

二家目所遺百積身之等我來得借觀同儕

亦造請彥倫時饋菘

圃學士圃  
菜頗佳

廣微邀說餅

曹太僕昨  
招同環麪

栽樹賦角弓汲泉有深綆幾箇同岑侶語默忘畦町希

聲琴非絃太樸錦加裝猶似婉變日論文氣銳猛但添

閱歷多默坐意已領南窻晴旭升深院裝雪景回頭江

海夢吹喚梅花醒蒼竹不世情得味在幽迥相與約銷

寒設客但烹茗

復初齋詩集卷第十二

大興 翁方綱 正三

寶蘇室小艸二

乙未二月至十月

岐鼓凡將歌爲搗約賦

孔生嗜古不可量手摹歛識窮夏商上丁陪祀戟門下  
目無施薛潘與楊作詩作篆冊示我四字七字何琅琅  
蒼頡爰歷與博學皆本史籀爲津梁永平而上溯建武  
六篇之外初未亡五十五章六十是啟急就生凡將  
後來漸用艸書寫不名曰艸名曰章盡失初教國子意  
史弗闕文聖所傷生云岐鼓不云籀得毋未信爲宣王  
此鼓與籀一耶二欵卣二字分豪芒絳州趙氏釋者九

鼻卓剿鬪鬪良雋不知雋也何所据王鼓用尊馬既康  
東坡本忽出楊慎少陵所以訛陳倉候官林琮昔其論  
鹵弓之釋誠荒唐其文曰角畫下斷此冊宛如圭合璋  
林釋文亦仿急就無人哀輯爲考詳分合數字偶同異  
鼓吹六籍皆笙簧生其助我訓纂續聖謩萬古垂洋洋  
示益齋蘭佩受禹兼懷方軒

爾隨計吏太匆匆却話同遊似夢中春社鷄豚桑葉雨  
晚陽籬柵菜花風苦思尚抱臨文病篝火都添課子功  
二十年前滙溪水又看雋詠到兒童

得十五姪莆田書

通法寺旁思故人

命兄孝豐  
昔寓此寺

命 莆陽館外忍尋春忽披

望海登山句好養承家奉母身射策三年期未晚課兒

萬卷計非貧吾宗舉首褒然並兩浙文章接八閩去年

族人元圻亦舉省試第一

瀛洲亭東海棠丁香盛開用蘇文忠玉堂栽花

省中種竹二詩韻

日披竹箭薙荆榛著述前賢各等身祕館琳琅照千古  
遺編宛委第三春池光冉冉收雲入窻色融融裏露新  
何止來禽與青李吮毫徒作看花人

病起猶防滯未除挾轡來及早涼初星沈簾卷微風定  
天澹霞蒸似雨餘藤架蔓催三月盡柳條綠較十年疎  
旭敞眩晃玲瓏影恐是昏眸怯對書



觀象臺渾天儀歌

玉堂食罷日過午我從郭君陟靈臺臺下壺所測量所  
所司備位咸程材初觀元明舊儀二古銅溼綠非莓苔  
郭君導我歷級上圓儀之下先徘徊捫參歷井十指逼  
州居部次三垣排恒星經星定躔度周三徑一無殊垂  
昏明晝夜一元氣二十八舍森周迴其餘七儀南北列  
三辰六合摹九域赤道黃道右應左地平經緯秩以偕  
陰陽規合旋內外單雙環倚機闔開惟初渾儀肇顛頊  
軒帝製逮堯以來鮮于洛下張賈陸沈括亦繼淳風推  
近代制器有存者

聖人出乃精蘊該範圍兩儀摠四極渾淪萬化中胚胎

以配虞山老檜卷龍虎蛻骨雷雨傷先生猶在天地閒  
白鬚碧眼神飄揚荆溪茂苑日來往雲水浩浩無定方  
迴視此卷當一笑刻舟求劍膠芥堂補圖作詩更多事  
塵土筆研追皇皇

揚州羅聘補圖

六月十二日有持舊抄山谷內集注本來者鄱  
陽許尹序及目錄題下注脚二葉皆在焉亟錄  
之賦此志喜

黃集無足本到今三百年

明宏治刻本已闕

詩譜繫于史豈曰

無鄭箋茲序非仿毛亦弗傳疏牽上言君父倫大義何  
炳然下及漢以來作者數聯翩終於杜乎取又不以言  
詮如我意中事往泊橫浦船鬱孤氣崔嵬飛翠下層巖

大江浩揚靈孰可拈于前十載無質處萬卷極丹鉛昨

者官庫本始獲三注全

任淵史容季溫

分寧出新刻當譜移舊

編此事當聚合不徒文字緣忠孝蓋天性其氣必開先  
塞乎天地閒攝之鮑桓淵蠹簡有餘債昨夢屢迴旋焉  
得南陔刊誰續寶劔篇是日公生日神實式憑焉乙未  
溯乙酉人才曠接連七百三十載過眼驚雲煙中間任  
史輩附驥名以傳同時得後山南豐實先鞭亦如江梅  
詠益歎坡公賢應求非聲氣斯道乃仔肩區區詩派圖  
紫微苦雕鐫觀此兩葉注可以衆說獨徘徊公像旁再  
拜何由宣精神不於紙復不於山川小几爐炷香篆縷  
蒸綿綿晚來大風雨忽作山響泉

曉起同魚山陶然亭作

城南溽霖餘積潦浩逾畝我車伊軋聲已落鴉起後日  
光淡濛濛吞吐半陽阜倒垂葉間露披過掬盈手所携  
非熱客不煩滌塵垢但念耳目營似已光景負市聲喧  
未動山氣靜橫牖籬前雀啄花柏下童縛帚單衣不覺  
溼烟中立良久橫陂昨來路倏過採菱蕩

題穉石畫卷

春雨浪浪花未放木鷄軒中起遐想坐客皆醉主自斟  
恣說一谿飛雨樂是日欲畫畫未竟夜深雨晴月在幌  
六街觸熱無好詩誰知今晨忽畫之花光蒸空露四滴  
柳陰帶水渾一碧鳥聲下上何千百儻臥小船鋪片席

先生端憶行春橋可少及時浮大白

蕭尺木楚辭圖歌

杜老曾見天皇圖五雲太甲同歌呼蒼梧冥冥帝子渚  
楚宮泯滅知有無又聞右軍訪漢畫五帝以前疑可摹  
西蜀講堂一堵壁未知藍本誰操觚屈子辭本觀畫得  
先王廟想臨湘湖琦瑋倘侷古賢聖仰瞻憤懣生嗟吁  
陰風慘淡木葉下陵陸變見川原紆馮翼惟象何以識  
淚作西海眼可枯九辨九歌皆古樂飛龍弭節來笙竽  
當時無人寫此本日暮惆悵雷雨俱徒使柳子臆作對  
蓬首虎齒爰處都二千年後忽落筆无問道人何感乎  
雷碾搖撼五岳手一絲一髮情踟躕羽人丹邱寐暘谷

蘭臯江水招神巫，叔師景純未注處。神采浮動窮錙銖，  
峯青樹綠罷歌舞。儻有真見非模糊，莫共龍眠道園說。  
太乙炁始參丹爐。

文衡山關山行旅圖

自題云：雪滿關山策騎時，  
西風搔削鬢毛吹嶺南別

有梅花在體不知寒，只  
爲詩嘉靖甲寅秋日

先生一臥三十載，焉知世有行路難。偶仿右丞捕魚意，  
蕭然霽雪明江干。此圖自作又非仿，系以詩句懷暮寒。  
浮梁有似蜀道棧驛亭，或指西江灘紅氍毹。笠者誰子  
松閒崖次猶凭欄，於生得熟境閱歷由細入麤筆折盤。  
安得有人忘跋涉，只圖覓句來噴阮梅花半林如曉夢。  
瘦影落月橫征鞍，霜風不嫌壓帽重碧雲。更在紅樹端

村翁爨汲僕秣馬記我曾倚肩與看

濟寧州學新掘得膠東令王君斷碑

膠東令碑斷者二婁氏溯趙仍溯洪趙無其說洪有說  
後銘前序事則同下云黃初上沖質何時宰莅於膠東  
秩官錯出泐文內上世畧紀邯鄲功田園美宅果何用  
投石超距真家風當塗之世佐帝宇鼎足爰建誇時雍  
吁嗟魏祿不古若方幅一變開俗工鍾繇梁鵠號能手  
受禪勸進徒肥穰此碑魏年題以漢東京汰尚留餘蹤  
惜哉不見額十字膠水題異稽何從奮奮點畫辨纖末  
大饗漫借王純通置之魯峻鄭固側星斗竝燭光熊熊  
頗聞李君世好古東鄭碑獲自君家翁斯碑字尚半洪

錄又憾釋未張昭逢玉堂同館拓分惠

周檢討

隄麋黜

黯晴窓櫳宜補蕭常郝經傳闕文不獨寶刻叢

時方編校郝陵

川後漢書

### 趙凡夫手校書二種各題一絕

汝南學自辛泉述更較徐家用意深我夢暴書臺大字

春風吹水舞雩陰

揚桓六書統源

桓號辛泉其子

明篆暴書臺字

書目重編想討論博羅無復舊聞存寒山小宛堂簷下

時源長箋子母原

張萱彙雅

卷尾凡夫艸篆題云萬

長箋有子母原一卷

### 解春雨龍氏一經齋記墨蹟卷二一首



解龍兩氏世治易我嘗竊翫龍氏書楚中教授準朱子  
爰位列畫希潛虛金釵嶺邊麗澤記想見兄弟同匡居  
文江屈曲畫成字憶俯空綠觀游魚

吉州鄉人之茅柴雨春軒說春雨齋昔人考室比松竹

蓋以古學爲根荄行艸一技亦勁節明初諸子誰模楷

玉堂妙手風雨快政復俯仰前哲懷

雨春雪門齋名

梁吳平忠侯蕭景神道石刻字

蕭梁墓字廿有三嚴子詩託哀江南紙長二尺闊三尺  
其式非闕仍非龕撫軍將軍湖官闕南史梁史文相參  
文曰梁故侍中中撫將軍開府儀同三司吳平忠侯蕭公之神道後先持節究與郢辨  
能治劇威能戡苑中餞筵爲流涕股肱之寄忠無慙天

監普通正全盛黍離鐘簋悲誰諳昔我先人弔梁武金

陵夜泊歌酒酣

在康熙甲午夏

墓門荒艸想指此銅仙淚續遺

老談石紋摩挲古苔漬地志仿佛花林探漢銘反寫有

故事十自補入金石函

此刻字皆反寫漢隸永初七年官鑿及巴官鐵盆銘字十官

字皆反寫見虞氏字源

卞忠貞墓石柱字

文曰尚書令假節領軍將軍贈侍中驃騎將軍成陽卞公墓

墓

嚴子跋文擬顏楷蓋感爪甲握透拳精靈發露後先似  
似顏豈必顏書然卞公大節冠六代一門忠孝出兩全  
碑表荒蕪邱樹毀彥昇已痛日月纏景山酒鎗叔夜盞  
誰知異代相周旋

南史何點居東籬門園園有卞忠貞冢點植花冢側每飲必舉酒酌之

祠陰尚有北宋記亭名肇自南唐年有石字出徐錯手  
王象之錄非浪傳錯也工篆楷亦爾空中徙墮驚星躔  
冶城花開大桁路青溪水遶同寒烟魯公諸碑更應覓  
圓好儻勝保母甄

王象之碑目建康有魯公書碑數通未知存否

院之東廳康熙乙未秋長洲何義門學士書聯  
云儀鳳祥麟遊集盛金書玉字職司勤字畫道  
勁方綱摹而重鈇之記以四詩

玉佩琮琤日接聯瀛洲道古其羣仙兩行老樹陰中字  
坐臥尋思二十年

學士平生富校讐不徒豔說鳳麟遊丹黃  
內殿歸來後斜日惜惜院樹秋

楷法同時汪與何

汪謂退谷中允

顏筋恐尚遜虞戈廟堂化度

重摹在幾見翻新出擘窠

翰墨論緣六十春金書玉字萃

昌辰道園曾對鼇峯語空使駑駘愧後塵

校茶山集四首

前有陵陽後劔南中間句法許誰參已將北望神州意  
收拾傳燈老一庵

居仁圖譜江西社遠自元和溯楚騷玉柱螭蟬非異味  
釀來清絕本滔滔

談禪談石復談茶山寺孤清自一家故里誠齋堪配否  
贛江翠竹渺雲沙

得髓機關不可傳  
松風鶴夢故翛然  
後來學杜諸君子  
跬步臨摹絕可憐

同稹石魚門集丹叔侍讀齋觀所藏宋張擇端  
清明上河圖真蹟卷

嗚呼政宣翰林畫題字大定明昌閒其時金已述都汴  
綠雲紅雪堆三山却想花石運艘日笙歌闐咽千闐闐  
通門漕渠兩岸接士女衫服光爛斑槐街游龍踏紫霧  
杏梁語鶯交朱欄萬瓦百貨筆莫述竟借蔓艸離黍看  
梁園清明花幾落鵲山寒食酒又殘長沙百年追世澤  
鈐山千鑑輸權姦文江才子簿作記南濠題跋語可刪  
傳聞內臣竊胙篋御溝藏弄力所殫或疑匿去入馮保

保也手跋今尚完向來青父踵性父不言李祁與吳寬  
馮後流落託誰手瘦金簽蹟覓已難主人具眼富搜擇  
此物自歸天不慳晴窻吾輩得目飮一洗平日胸迴環  
可作易圖翫消長又作無逸幽風觀畫家一技乃至此  
嗚呼此乃眞擇端

宿西苑直廬

紉書宿西苑舊楊記頭廳橋路殘秋淖 宮門溼曙星  
同來仍老友魚門不寐叩遺經所得霑衣袂香山雨後青

法源寺訪菊歌示魚山

東家西家招賞菊異品牙牌看不足皆言法源寺裏來  
僧擔更不煩僮僕都門菊種盛廿年十樣肯教劉譜獨

拈花安花兩寺最畫屏詩扇徵名目吾師畫仿旣香館

寶笈會蒙百篇錄

錫山鄒侍郎繪菊百種以進各題詩其上

分題夜飲記

侍坐眩眼金毬燭光綠城東高家兩垣下二百盆栽聚  
花族重陽後到十月初夕往連晨兼夜宿爾來此種不  
足祕各各齋頭數盆蓄都乞僧寮澆養方隨宜庭宇清  
供熟爲湖寺中培接始耐寒不使遊人觸深隔欄杆響  
輓轡護持蓓蕾如珠玉萬鈴千疊一時發向來所賞眞  
海粟誰知霜候及時到分送人家如此速反思前日未  
開時禪榻移來雨初沐徘徊客隔氣蕭瑟萬事虛名鑿  
盈縮不如歸向擔頭買野色叢叢黃可掬

再題寶蘇室施注蘇詩殘本借公題靈峯寺壁

韻三首

蘇米齋中寶蘇室鏗然拄杖有聲來飲泉鑿面何分別

夜發神光說五臺

龍眠畫公金山像趙子固畫笠屐像  
明人畫廣州小金山像皆奉室中

傅家楷勢參蘇法亦自僧虔倚柱來偃筆何曾廢新意

筋如魯國肉西臺

放翁投老山陰住觸著淋漓萬象來夫物芸芸各歸宅

湛然窻几照靈臺

定安莫海岡孝廉說五指山麓有蘇詩石刻賦

此以贈其歸

三酌粟泉水一題桄榔庵空意五指名遙青一烟嵐定

安崖州閒屢問無人諳千巖萬谷風環合瓊與儋冥冥



卷之二  
三  
綠霧積冉冉翠葛含神物儻落此獨往或偶探八年苦  
搜訪公蓋笑我貪意公集外詩續我海外談仍意羅浮  
頂紫雲封石函顛空儼馭氣周徧大海南

再題元延祐甲寅江西鄉試石鼓賦卷後

前年獲觀石鼓賦又觀一賦周伯溫伯溫之書出石鼓  
與賦相映增嶙峋賦中屈指羅與李小長蘆昔採舊聞  
此卷八人爲補六因想佚者更幾人自從薛鄭遞音釋  
孰以籀書考說文書詩春秋上下索成蒐宣狩說則紛  
諸經纂言究同異似續絕學于崇仁所以昌黎白科度  
道園果爲披荆榛三場肇此成典故四方觀者來成均  
病足老人爲強起拭目萬古炯有神一時傳寫試席作

豫章城陰竹梧響記曾無寐汗浹巾

曉赴西苑道中和竹井司寇韻

曉行和夜行兀兀殘夢半遙林尚燈光如舟泊遠岸霜  
中氣轉喧霧溼星猶辨漸漸出遠山迤迤遞隱見山翠  
橫林來霏白如曳練村際雅翻翻橋下水渙渙橐筆記  
舊侶廿年紛聚散襍被道邊寺數椽依海澹僮僕渾不  
識獨我餘昔戀校讐何補益日夕涼煥換暫及市聲遠  
復憶宵征慣朦朧野陰啓浙瀝秋響變倚公句勢勁矜  
目溪雲斷

同慕堂筍河魚門伯思飯裕軒野圃兼呈南厓

三首

遂乘曉霜氣菜如人意濃我作野圃記渺焉想前蹤結  
構改面勢平揖近遠峯獨留山日光縱此水際筇枯荷  
仍小橋插棘展長壩四邊菊花水一於此榻供所以山  
桃後來必乘晚菘

不愛春夏綠愛此秋葉黃先生看山眼炯炯浮秋光黃  
葉亦何好取及菘可嘗老韭細轉青新芥辣更香蔬實  
飽風露卉木閱炎涼高樹未搖落鄰畦已登場柴門客  
不驚鳥雀自成行了然驗物理後時獨何傷

七人來者六一歲至甫再雌抱促膝懷屢以溽雨礙橋  
南官河濬近漸柴門對萬泉之上游諸峯受以黛鱗鱗  
風漪來動盪日光碎空際飛鳥影落我衣襟內小坐沙

石秀忽聽村犬吠始知園廬近復資蔬畝溉半日問水  
源不獨觀擷菜

介庵先生八十壽詩四十韻

老輩推吾里如今復幾人靈光歌在魯介壽俗吹豳

璇極延釐月黃鐘吐莢旬一陽開建子八表溯生申早

得文章譽時維學殖純先河爲藝圃後鄭必經神易自

資州後詩誰卜氏親衆長彌疊疊蒼萃肯斷斷抗角寧

逢鹿懷鉛遂訖麟箴盲無廢業衡庫有功臣馮猶龍有春秋衡庫

帖括於茲盛承師自昔遵南方推竹里耆耄並還淳孰

扶傳箋詁紛羅笙磬斲甲科兼濟濟著錄日旣旣集鱣

堂邊院金魚池北滑舌耕傾億廩篋負積千薪堦砌紅

榴樹摩挲月露晨助毋忘灌溉幸各託松筠捧檄洛州  
去斯筵點瑟春臨岐謂童冠他日聚荀陳老境應增壯  
同門迥照鄰光輝動桑梓德業潤簪紳廿載祝之久今  
朝願果伸恭惟來集祐側想數前塵邵叟初談藝孝廉  
先生何翁最絕倫明府劉明經育阜于儀部臆心共許  
張明經宋孝廉祖契皆均疇昔銜杯酒寒齋話苦辛宵分  
飲啖健交淡性情真猶是紅燈近環看鶴髮新當時襪  
祿者今日往來賓子姓才逾啓孫曾慶更臻卿雲瞻  
誥錫立雪卽觴辰老屋仍先築開扉便近闈釣遊還杖  
屨情話或親姻古有江鄉壽誰如

帝里仁同年無等輩四季有時珍東觀黃香富西京劉

帝里仁同年無等輩四季有時珍東觀黃香富西京劉  
向醇後先儒學傳耆舊典型身謂吾鄉前則黃崑圃先生後則劉秩齋先生也  
父執兼師事情聯更誨諄枌榆鄉社侶歲歲頌長椿

筍河齋中觀李克用題名石本

吾子日下補舊聞兼採朔易窮燕雲唐末之碑金代刻  
舊石或曰兵火焚幽陵幽鎮一字異夢溪行役懷昔勦  
趙賈之書不可見趙鳳後唐太祖紀年錄賈緯唐年補錄歐薛同異徒紛

紛唐季兵連自諸鎮數州而外皆賊氛雁門僕射世將  
種頭上火出鷓兒軍羝羊三千觸城破白帶一繫王愷  
勤論功當日俱第一此舉不止婚姻云易定尚是李家  
土尺寸肯許節鎮分五十萬人瀝誠禱神之聽之一氣

煮鳴鼓而去饒吹返此心足以對大君三垂岡頭竟雪  
恥百年歌響留半醺山川如此可歆血史論猶謂非桓  
文承天閣窄代州道新晴想像倚夕曛何時剔苔訪沙  
磔儻掘舊石憑耕耘

范芝巖王石耀饒桐陰三庶常同日請假南歸  
將同過蘊山郡齋賦此八詩寫一卷子

石湖山下春如許木瀆帆輕一笛風不是竹西歌吹夢  
瘦梅花外雨濛濛

蓬島時時憶勝遊三山小字舊銀鈎若爲傳得迦陵語  
借問西興故驛樓

右送芝巖

南閣經傳到楚金寂寥千載寡追尋從今誇向山中客

識字人原在翰林

經學詞章本一途悠悠湧喜要人扶山居製得三倉賦  
方識洪家急就麤

右送石隴

于今雅頌盈天地報與潮陽學子知東閣儻同何遜憶  
寸心細叩杜陵詩

潮信分明島外還却從海上望蓬山金庭玉宇無多路

一葦空齋水霧閒

葦齋舟名予在湖州所造 右送桐陰

聽雨西窗肯後期玉堂心印幾多時九霞空洞何煩語  
禪智先編唱和詩

阮亭初向揚州住未得詞林後輩稱對酒看山俄一笑

紅橋風雪灑春燈

右寄蘓山



復初齋詩集卷第十三

大興 翁方綱 正

寶蘇室小艸三

乙未十一月  
至丙申四月

嵩山漢柏圖歌

我爲莫生歌此柏此柏影忽落我窻鬱然合抱四十尺  
六六峯勢來崆峒磊砢節目外臃腫峻極元氣中敦龐  
雷火劈痕賸突怒風雨時吼于空腔三株一先神物化  
萬古對語洪濤撞云自元封太初際受爵曾馭雲縱縱  
三呼之聲與應和萬靈環揖氣爲降生年不知自何代  
由周上溯于殷邦此柏當是殷周時  
物語見施愚山集于成于宣莫河洛  
小其大其受駸厖青龍蒼光儻及見其神夜或來幡幢

嶽生還爲嶽藩衛森然導從千矛鏃我望伊川瀦泉水  
石淙未得尋淙淙二室遺聞訪金石萬牛力那一筆扛  
參摹混元叩天咫滂瀾浩浩吞濤江目移神駭不敢睨  
眞到天闕凌石缸嵩陽居士果何在俄有青鳥飛來雙  
予藏東坡嵩陽居士  
帖因臨此句題其上

毅堂魚山見過論蘭亭八首

蟹爪丁形與針眼後先祖述一模型孰從曇礮籠鶯意  
乞得浮邱相鶴經

越女亭亭越水隈山陰道上百花開世間羅綺腥脂膩  
可許邯鄲學步來

晉人江左尚清談眞氣驚人三月三益益春光一蘭紙

肯容潁井說青藍

派別歐臨又褚臨於中深會右軍心斷仍連處欵還正  
趙葛湯馮孰嗣音

砥硤小枕松花版流動都於嫵媚傳獨有鄱陽姜白石  
戈波猶記永和年

退筆吳興語絕奇迴鋒隼尾勢誰知右軍晚得周銘識  
十鼓岐陽是所師

鄙人生長橋門下監本禮惟日手摩不見研山孫老子  
瘦肥分判較如何

昇山風厲破舟時何叟猶然跋尾疑明月梅花曾夢見  
牡丹賦石豈吾欺

題陳其年檢討填詞圖後四首

一千六百三十闕秦柳辛蘇合拍來陳九白頭渾脫舞  
紅燈影裏記低回

么鳳桐花漱玉詞倚聲一變是烏絲誰應交響同心語  
簾外春陰潑墨時

戊午春交己未春諸公日聚

帝城闔詞家檢討專名集不比旗亭畫壁人

張三影後毛三瘦韻撮應從識曲聽柴沈遺書定誰是  
欲憑詞話問西泠

見檢討集中毛馳黃韻學通指序馳  
黃嘗有詞云不信我真如影瘦又云

鶴背山腰同一瘦又云書來  
墨淡知伊瘦時人稱毛三瘦  
蔣香涇蓮花寺寓齋分得高字

一房山色連蓬蒿香烟小閣繞白毫此時雪意鄰寺共  
銀泥灑不翻寒颺我從法源步也邈曲折如港纔容舫  
蓮花寺無古碑訪種菜圃可憑周遭稍以聽鐘起思議  
微泉相應一桔槔金釵滿地踏松影收拾百籟須吾曹  
江南客說三逕好寄園咫尺我思勞廿年夢想立雪處  
寺西卽寄園舊址吾師沈溶溪  
侍御舊居也香涇爲侍御之甥  
清夜忍其持霜螯凍禽  
栖樹僧梵起酒闌耿耿星月高

蘇文忠公三像

宋李伯時畫金山像明南海朱  
完畫廣州小金山像又宋趙子

固畫研背  
笠屐像

先生神在天地閒豈於斗室來偏怪我夜夢之儼笑顏  
天風鸞鶴鏘佩環峯青月墮江潺湲初自靈舟小金山

蓬萊遠晚羣仙班四百三十二烟鬟照窻碧眼光爛熳

藥湖一水印涉艱有客示我研璞懸江頭王孫餘淚潛

飄然筇笠落百蠻粟米泉影留清潺瓊州府城北粟米泉公所鑿也泉上

有石刻公五十六歲像辛卯秋子摹子固所繪研背像奉於瓊祠八年山中採蕙蘭歸

來以息歎自閑故人出守京江關妙高臺憶舫子灣表

祥舊蹟神頓還先生自贊警我頑公族子成都中和院僧表祥畫公像公題

云目若新生之饋心如不繫之舟要問平生功業黃州惠州崖州見周益公乾道庚寅奏事錄與此金山像贊

字句小異筆力迴斡隘人寰風袖翩舉非蕭閒玉堂夜扣驚

銅環欲起從兮安可攀金書綠字紙墨斑挑燈讀之了

不嫻

集瘦銅舍人齋觀呂廷振春禽圖分得功字

明人花鳥不一派林良呂紀稱最工良也寫意紀鈞染  
師法難得徐黃通鈞花點葉染毛羽沒骨之派又不同  
近來常州惲格出賦以天色非人功瑠璃廠肆屢呂紀  
烟熏故絹紛青紅畫家著錄呂最罕但傳松鶴昂秋空  
吾欲側觀吮毫勢水紋花靨春濛濛晴沙意到乍起處  
迴翅一面寒塘風宋人折捺正如此書法力在懸腕中  
是日因論董書蹟外平淡者由中充寫生理在傅色外  
飛動孰可秋毫窮試拈徐黃分與合邊昭輩或堪折衷  
時來君家素壁下細數絲網懸青蟲

論董書四首同瘦銅賦得天字

君家三蹟壯至老我最心儀奉使年不獨畫禪拈妙悟

羣鴻戲海鶴遊天

晉法曾聞在晚年鏡中影漫證嬋娟

相傳文敏臨終自照鏡作美人像

平原腕力無高下莫信微辭跋得天

張司寇跋董書云平生得力在顏晚

乃造晉人之門而腕力不如心矣

從來力盡無是處設到中央又未圓不假安排能入化  
莊生所以說寥天

趙書有篆董無篆不借鈎撫鼎尊傳打破王家鐵圍後  
拈花天是散花天

和魚山灞橋詩思圖歌

臘前臘後五見雪爾齋我室皆可圖誰作小幅貌詩思  
灞橋橋側胡爲乎騎驢人挾風雪意小奚負笈兼提壺



前村梅花半開未樹林蕭瑟雲糝糊當時偶然好興到  
平載紙上疑可呼空濛之際詩所出請君拈取竟有無  
前人譬喻卽目處決非冠蓋長安塗驢子背上舉隅耳  
此事未可一理拘朦朧萌拆自何起作者無自而描摹  
今雪又與昨雪異舊蓄噴出千圓珠

題瘦銅所藏研山背縮本蘭亭三首

我摹研匣此研背寄託天然不約同奇絕研山凹凸勢  
誰家燈影裊春風

南宮強不服歐臨絹本唐摹蹟孰尋玉枕精神如靜女  
嫣然一笑倚山陰

橫斜松竹落金釵寸紙熊熊氣滿齋若準袖中東海例

崇山峻嶺好磨崖

鍾勵暇先生注經圖

嗚呼茲圖名使我悚起立昔及先生存未果親負笈每  
語極謙下卑幼皆拱揖坐久人不覺穆乎春風挹雖逢  
小大叩雅不已說執及乎賓客退百川一口吸淵哉析  
疑義快若脫羈鼻官書然燭後劄記以時緝時維海昌  
公嗜學綆同汲陳文勤公亦有方侍郎贈言聽者翁望溪先生有贈

先生

方公我未見海昌門牆及所以先生論如於沫得

溼三傳合三禮更合羣經輯嗚呼茲事難衆說日戢香  
嘗疑道園叟親見臨川葺考注與纂言摛拄胡太峩考  
亭門人後緬想餘芬浥然否劉戴山禮與任鈞臺禮凡

戴山禮與任鈞臺禮凡

例增戢戢上稽崔靈思鹿角誰扣艤下逮聶崇義鑿柄  
非接褶古者於承師名數織悉給一經三年通經立甫  
三十蓋以流合源萬派所來凜賤子童蒙日家世春秋  
習先生訪先子燈光儼巾褶不記語云何追念長鳴呶  
是經與禮經相證有等級豈僅許慎編偏傍訓熠熠朝  
聘昏喪祭王朝逮州邑聖人觀典禮周綱賴維繫所謂  
盡在魯別熊繹呂伋大哉經與曲布帛兼粟粒筆削求  
聖心必由此焉入紹聖張書川門目細掇拾宋張大亨  
春秋五禮  
例後卽臨川翁啖趙陸斯集言天驗諸人五禮七之襲  
能言慶戴者心必鄒夾悒問途於先生圭臬審原隰十  
年行役感嶺路夢涼霽今日忽披圖窻戶融雪汗仿佛

卷之三  
七  
裴家街矮榻爐香裏他日讀遺書破我寒竿澀因以訂  
百家謨誥連篇什念之心恇惶庭柯噪禽急

除夕前三日笥河招同諸君集陶然亭分韻得

陽字

時和盛羣彥上國參翺翔及此校讐暇式聆金玉章豈  
其矜譽名特達本圭璋寸陰倍足惜良士思太康開軒  
面遠林殘雪明陰岡百芳競春先豈止日月陽縱觀人  
文會浩蕩極津梁我來忝同遊何以答一觴天扉誅蕩  
開黍谷應宮商聊倚百尺樹佇爾鳴鳳凰

李長沙書種竹諸詩卷

以下丙申

種竹義比種松柏不惟直幹惟直心依違豈肯漫諧世

貞志自爾留古今卽如此卷諸體字篆筆與竹同欹峯  
行艸盤擎亦篆勢顏筋屈曲兼懸鉞正德丙子春二月  
時已四載歸故岑張氏甥爲移竹屢園居興與蒼苔深  
詩感諸子及諸女想見庭戶皆清陰高麗繭紙鏡面滑  
漆光落點成球琳後百年歸諡簫子老屋落木同蕭森  
又四十年始攜出靈巖寺主來護琛浪浪春雨梅未放  
香南雪北誰嗣音後題又復感諸老不知何事增沈吟  
史家千秋公論後主盟一代風雅林歸於吾齋又歲首  
暖風樹杪喧春禽

息齋詩爲正初贊善作

物生所恃息且晝夜共之吾子待漏起每極夜靜時百

念皆未來一氣自閑持於此觀所養自然去其私子字  
曰正初居正則吉隨豈止山雷義言語飲食規默坐吸  
窻光露葉珠翻池知子自得力炯見羣動吹庶幾瞬有  
存以暇報我知北鄰木雞叟譚藝是汝師

贊善西苑  
賜居與薄石

閣學  
比鄰

學齋詩爲穀侯編修作

吾師趙公齋憶昔坐春風

仁和趙中丞  
師號學齋

孰知今吾友齋

名與之同吾學吾師學舉子業始通今子學吾學祕館  
讐校充朝夕其鉛槧藝圃極深崇浩浩無津涯正在學  
海中歸來據書几一齋地十弓汲泉要深縷琢玉須良  
工大哉此一字使我心忡忡窮年膏晷力未就尺寸功

宋芝山以所摹羅浮畫冊廿八幅屬題檢篋中  
辛卯舊艸和陶詩韻與此冊同題者錄之

四百峯皆雲撥雲乃見之而我看茲峯正要雲出時峯  
峯綠搖動茲峯還在茲此山無離合更莫風雨疑三千  
丈直起夜壑誰護持

飛雲頂

三峯飛雲西乃繫于浮山端自海上來可實堯時言所  
以密雲霧封闕無歲年仙人華子期治所偶被傳

上界

三峯

初平雖得道頗未忘世情不合叱石起尚留牧羝名誰  
歟茹紫芝騎此致長生又弗叱與去徒令見者驚躡跡  
欲從之佇立竟何成

青羊石

遙夜鈞天發空音萬籟飛山山鳥雀噪樹樹猥猥悲節  
節匏竹合一一鍾律依果然五色雲四注一潭歸仰受  
千丈瀑噴薄力不衰遂傳夜樂洞按譜曲無違

鳳凰谷

九百八十瀑七十二溪喧又室七十二鎮其東西偏然  
猶浩洶聞見雲不見山雲興靈怪聚雲過厓磴還纒繫  
自何時圖經初不言

鐵橋

瑤樹何時花云卽芝田是安執青霞谷齋房成與毀吾  
聞香臺香至道無隱爾青陽時未暮朝光皆錦綺

瑤石

西極揚宵輝東海有奇英異色浴百寶嬋娟非世情目  
矚事有無元默耳徒傾泠泠石白凹嘈嘈天樂鳴瓊田



紅旭滿一夕玉煙生

玉女峯

夜半云日出蒸變巖壑姿得非離中虛上應若木枝廿  
泉講學處空舍本無奇區區黃冠徒乃假遺履爲後來  
浙廣派大路自纏羈

朱明洞

一路皆行雲到此合復開兩掖相低昂納雲于胸懷節  
節竹相當葉葉篆弗乖舊聞鍾離筆劉仙之所栖火燒  
水轉餘下但虎跡泥上則雲抱峯轉與篆勢諧兩尖次  
相亞繚繞雲亦迷供此石上亭日夕攬百迴

了髻峯

峭壁無削痕壇樹且一隅百步到雲軒直上皆坦遂曷  
不摩其厓飛鳥使前驅清風細雨外朝煙夕翠餘大書  
魯公記眞若麻姑居

麻姑峯

上古浮海來海徙非故道遺此玉蟾蜍吸月後天老月  
液霑艸木石膚長不槁借汝頤頤閒噴泆泉亦好或恐  
覩瑟瑟爬沙驚見寶浩蕩皆雲海豈必青冥表

蝦蟆石

不見古壁字藥香亭午時山深風氣淡渺然與世辭一  
點松上鶴擇幽乃在茲青青礪茶苗一一仙藥疑靈禽  
隔院戶交響不吾欺良久無一人三百家居之

觀源洞

幽居誰所居閩寥非人境堂以讀書名稽古豈獨醒迨  
遙無一義識趣在人領嘉穀生蝗螟初何有殊穎虛室

縣縣白萬古一燈炳

洞有遺  
遙巷

幽居洞

意行仍趺息成菌蒸而至太古帝觴瀝玉醴猶餘醉鳥  
歌礪谷應紫翠排以次我以息攝之丹粒何足貴滿山

草禾露皆作玉醴味

青霞洞

大小二水簾各自蔽其宅更不知誰宅月明空無迹高  
挂石及半低散潭千百是皆峯頂來千丈一條白絕壁  
太寒慄古刻真可惜

水簾洞

客遺雙蝶繭雷雨一宿經九光五采備俄頃扇輪成信  
宿復逕去歲月今幾更始知烟洞深此乃其戶庭五色  
艸可飼五色雀交鳴花絮下上彩風露縹緲情

蝶繭洞

四賢神不見寥寥空穴風昔聞弼唐占龍德而正中以

況四先生文明氣所通樂行憂則違天道如張弓

洞有周濂

溪羅瓌章李延平陳白沙四先生洞龐弼唐講學於此

黃龍洞

精誠貫金石人力無弗得聲聞苟過情盈涸焉足惑味

彼丹稜言泉何有通塞行已不自信尚欲及家國聰明

吾安用對此甘守默

唐子西記  
中語也

卓錫泉

巖有鄭先生讀書不求仕負書乃雛虎忘虎并忘己或  
云僧惠越檀施所深恥臥則虎枕膝忘年歲鄉里傳聞  
是隋時二客俱可紀峯自開自合水自流自止何用佛  
跡留亦弗佛力恃

巖有佛  
跡石

伏虎巖

朱明山皆洞洞皆名耀真無洞不抱水所以水味淳而  
此洞水味更借色香新每春流桃花又非人避秦源口  
千萬樹古逕絕埃塵水流花自開非關栽種勤食實飲  
其水本與人境親花流四山去處處皆通津紛紅滿壩  
戶霑翠來衣巾然而食桃客多非遊洞人

桃源洞

西華道院字坡蹟兼顏柳荒榛蔽不見雙石摧亦久一

砥與一峙千尋昔爲友

挂冠石今爲沖虛觀道士所伐

老守來賓州逃

菴客載酒菴前面泉水背則西華負并勒逃菴銘八分

頗雄厚

明歸善葉化甫逃菴銘南海朱完者書

石門路西折蒼煙莽何有

石洞

十里松風聲半巖聽未終石牀起飛雨四罩雲戎戎五

城十二樓卽此殿大雄梵唄笙簫作還合於松風上接

孤青峯下際谷所窮萬里溼金碧忽到斜陽中

華首臺

舊碑師雄字陋哉執一隅滿山月曖曖滿澗風舒舒三

五柴荆扉賣酒家所廬白稜歲再熟估客亦來居水旱

斯弗及那慮田鳴燕村外棹小舫隨風縱所如

村有賣酒田

梅花村

二樓各一門憑虛望大荒鬱儀駕六虯赤景氣堂堂海  
黑星辰逼元氣收混茫安知非寓言覺彼食息場又云  
夜見日王屋近嵩邙亦豈有南樓日觀衝低昂延祥援  
夢得未可一例方但言與雲平名樓亦奚傷蘇詩南樓  
觀自注引劉夢得詩實之然夢得又有詩云夜分先  
見日乃送兄歸王屋隱居詩也平雲閣在大石樓右

石樓

二樓接二橋度竟乃造茲泠泠穴風處窅窅斜陽時空  
明水環映石髮澄不緇泉源在絕頂到此信無疑天風  
縹緲音殊非步虛辭良久空壑下受氣以攝思箭筈有  
一門杜老不予欺顧因華鎮西必秋乃尋之區區稽佐

命附彼望岳詩

通天巖

日晶山更空氣霽天宇和石上菖蒲茸潭下漁者歌澹  
然斂莫色水少白雲多漁舟隨雲下漾出菖蒲華徘徊  
佇所思感序當如何

君子巖

溢爲小羅浮尚足旬月游轉山復一洞如海更九州種  
以白玉蓮遶之碧玉流脰脰禾北里節節竹員邱皆分  
瓊瑤枝崑崙路不周眷言生芻束其人儻可求

玉洞

竹花春當榮桐實秋可採鳳凰五色光儻歛巖洞改月  
星倒深潭樓閣起大海靜存一氣中變眩初何待坎離  
虛濛濛無妄無貞悔

犀牛潭

李穀齋畫冊爲陳伯恭吉士題八首

穀齋江南遊曾見石谷子墨花悟前身山人白陽是  
凌波初動步誰許一憑欄密意空歌外雲廊水殿寒  
半葉欹斜勢天機渴墨成由來長史法都自懸鋒生  
曉起麝穠香含苞嬌未寤東風欲拆來一點空江霧  
月罩千花上雲深百寶叢飛觴歌板夜香敲燭光中  
筆用指頭法衆妍成一能晴煙遲冉冉倒暈影層層  
數筆淡不枯平明露所養微風礪戶開時出幽琴響  
水墨法外意不關徐與黃且須訊有竹莫漫說麝香

和魚山題輞川圖石本

右丞昔日圖輞川齋居奉佛三十年母終捨宅宅爲寺  
此圖乃在捨宅前拾遺未來寒藤訪蜀州時共秀句聯



南北坵帶杏竹館孟城輞口交藍田摹者二郭題一郭  
郭忠恕臨本明萬歷丁巳上池陽藏本咸陽鑄遺蹤指  
黨郭世元重摹郭宗昌題首點自父老片石照映真林泉精能刻畫非筆墨蓋將仿  
佛其人焉華子岡頭山月出萬古一碧餘淪漣莊基塢  
址盡疇畝詞客弔古披蒼煙秦地農桑被天下園戶椒  
漆今依然田家詩意本質樸橋窻誰說青紅填我欲遍  
書右丞句不獨五字王裴篇

章晏堂忘機圖

識子十七春書劔江海遊胡爲坐一榻事外盟沙鷗子  
才必有用劇任方見投卽穿棧閣騎去上瞿唐舟吾聞  
理人術必化私已謀鞠養宜何先寢食切良籌安心冥

爾形滑稽非假修利病有調劑輕重挈與抽意到極圓  
處翻與無意倅掇蜩神不分舞鳥智何求空窻淡烟水  
何減南浦秋微風木犀香清露點茶甌吾無隱乎爾請  
更參石牛

潘貢湖探梅圖二首

四山益益春氣動我題又是初春時濛濛小雨忽夾雪  
橋外曉寒人未知

披圖識得槎山路三面山光一面湖坐臥行吟盡花海

一花應作一橫圖

用一樹梅前一  
故翁句也

西齋郎中以前人研銘冊見贈賦此爲謝

倪鴻  
寶一

高江村五朱竹  
垞四吳州泉二。

西齋與我別十春玉河柳影波粼粼各照衣上車轂塵  
數椽扉啟窻楹新君來自東住幾旬我懶未得經過頻  
示我拓本璧與珉庀規側矩皆嶙峋比德曰璞曰結鄰  
或以贈友或書紳衣雲閣壁淳鳩淳谷蘭齋佩蘭可紉  
黃葉江南種菜辰于田菽圃誰苦辛紹泰輒出山池濱  
寒中紅藥語則均紹泰輒研彝尊爲紅藥主人銘曝書亭集作贈寒中留墨不滑  
堅不磷以鈍以靜爲諄諄十三年直侍

玉宸

江

八萬卷櫝羅紛綸

竹

人生此事亦前因紅窻綠

字同笑嘖百年文獻交有神夜夢片石呵成津

古藤詩思圖爲吳香亭太常題

藤爲新城王文簡手植

此藤重榮入畫圖我時輅車向南海低回使院貝多枝

手澤羊城八十載，豈知諸公觴詠處。當時尚有深根在。

西軒之蘭無復知。

見王文簡香祖筆記序

石橋槐竹伊誰待，歸途

復望蠶尾山。心飛蠶尾雙樹閒，朦朧詩思忽成夢。羈戀

小雨迷春烟，披圖仿佛卽此境。海王村側書樓邊，一笑

花應識詩客。花數十年詩百年，新枝轉盼又成軸。紫瓔

珞覆橫街圓。

又爲香亭題引藤書屋圖

諸公共賦古藤圖，明年因作引藤屋。一藤旋見二圖開，  
此屋分明爲藤卜。昔畫春陰今畫月，亦添砌石甬添竹。  
竹疎羃羃葉交蔭，月淡垂垂花下覆。引藤直爲引詩思，  
太常詩話漁洋續舊蔓陰催新蔓。成北街影落南街曲。

十載前重萌枿初三春尾漸滋培足花簇鳥呼新卷簾  
人來漏轉添燒燭紫絲障子繡作團古篆根盤老蛟蹙  
漁洋栽處誰復知太常記更迴環讀

二月望日簣坡魚山治具招同筇河魚門素人  
伯思仲思畏吾仲則數峯劒潭晚飯法源寺二

首

寒食卽花朝招提勝艸橋小紅深淺蕾新綠短長條地  
喜鄰居近人憑興到邀探支海棠月已欲坐深宵

馮生此傲居溫子日停輿載酒共燒燭閉門能讀書九  
衢人海裏一簣學山初花底閑談笑求師已有餘

裕軒學士野圃看花作

菜圃作花圃桃李閒以梨結實先作花幾句已成蹊前  
後借坡阜明暗相高低我從籬後望已欲門逕迷對面  
二艸亭那復知東西籬閒主人出導我行花畦數武復  
一曲映日紅初齊酒帘颺炊烟穿出蓑與犁掩映到籬  
門一鏡青玻璃曲折復溶漾暖意發于萋艸木與天澤  
不知誰端倪還向艸堂坐堂乃斜對谿指與坐中客且  
莫高阜躋屋角籬轉處一桃好媞媞數株來媵之若吉  
迨初筭歲陽動之微田野驗流澌所以月令義必於鹺  
風稽主人靜觀久占稼識鷓鷯生物日趨功觀徼借拈  
題豈但爲園卉興感祗與萋斜日菜塍外踏響活活泥

王樓山先生宦蹟圖十二首

出峽

自題五出峽憶否三遊洞至今大小蘇時時發前夢

謂公

子榕軒檢討  
鎮之吏部也

入棧

浮梁裊相拄目眩北人詞公自棧中客巖間何所思前  
登計平曠側顧鑒傾危攬轡籌匡濟蒼生責屬誰

桃花源

雍正二年奉使  
赴黔道經此

是年典黔試于役正初春一榜七進士名元推甲辰  
郭侍御  
石渠吾師出門下點易及秋新  
是科會試公分枝易  
二房得諸城劉文正  
試問種桃者何如公得人

飛雲巖

歸登飛雲巖想憩月潭寺君家陽明子聞有題石字

巖有

王文成月潭寺潭

一笑三摩挲盪胸鬱奇恣是時春近夏嵐色

自遠至濛濛未作霖膚寸八荒意脫冠風吹裾四面受  
飛翠軒軒雲在天于巖其偶寄公乎千載人聊亦撻囊  
試萬壑松渴來響答姑且置

秦駐山觀海

雍正乙巳  
巡視海塘

卻金使節下江東歎息朱公

高安

與鄂公

西林

肯母磯頭羅

剝石怒瀉如練避清風

黃鶴樓

戊申督糧湖北

晴川閣有懷人句香樹齋添夢會圖崔顥題應後先並  
梁州事亦古今無秋深葭莢天圍樹夜靜魚龍月滿湖



二老精靈定來往長風浩浩接蒼梧

錢文端公題云雍正已酉二月子夢

與樓山同舟泛江時樓山參楚藩適遣人至京子寄書述夢事尋答書云如爾或香樹奉使來楚也是秋適摩命典楚南試事竣歸經武昌則樓山已解組寓居遂命楫同渡竟夕別去作江樓證會圖以紀其事

秋夜讀書

已酉解湖北任假館需代

酉秋痛鵠原孤燭更危坐所以證文字省身日寡過北拱心益虔西風礪自課惠連屢前算昌黎收新懦借彼百賴喧爲此萬卷破想公時夢此殘月響鈴馱

洪水積雪

已酉冬自湖北入都道經此

左右泉源雪滿林非徒小雅簡書心後來銘坐洪園菴知自凌寒用意深

公別號瑟齋

觀農

王子春督糧江安

聞有督運圖臨清役歸作二圖入幽風春滿江南郭

瑟齋

潔鮮斯武毅嚴密卽矜莊師訓應承李臨川盟言合記

黃

唐堂作記

寬惟水火濟疎譬網羅張顧諱千籌慮輕安一

艸堂勿讓淇澳竹時督下江糧所至皆銘座于躬備道

光儼思雖戒慎笑貌本溫良動叶朱弦直中含玉瓚香

書紳澹秋佩詩篋付冬郎

頓有公子侍側

五十箴如此斯須去

未嘗閑階對盆石挂壁只琴囊若作心齋看循牆卽勿

牆

塔影樓

江安官舍有樓報恩寺塔當其前北牖可瞰鍾山

前文後有願虎阜一窻青不及鍾山側虛簷倒列星

文肇

社顧云美皆有塔影園

龍潭觀梅

癸丑正月督運至臨清道經此

我不見公空見畫畫成尚在我生初庾關忽記梅花夢  
淡月千峯水一渠

題徐髯仙篆書後二首

題云正德三年

白石翁猶在茶陵相未歸剪餘金錯勢牋肯薛濤揮  
彩毫編寫薛濤牋文徵仲贈髯仙句也

夜月新聲起屏風畫障圍浴龍池上

氣先有篆雲飛

朱子持斯卷春陰靜掩齋蟄蟲初啟戶瀑雨似懸崖飛  
鳥遺之跡空音杳莫階薊門烟樹側我復夢西涯

王氏懺園和禪石韻

名不虛傳卷之三  
望衡一畝接柴門，吾里衣冠故事存。  
柰樹相連看棗樹，蠶園當日並怡園。  
青箱喬木風烟在，翠筍畦丁採擷煩。  
感舊誰如錢學士，論交相勗到仍昆。

送蔣香涇之官馬邑二首

桃花水漲綠潺潺，西去桑乾野渡灣。  
爲訂北齊東魏史，正居右玉左雲間。  
課耕土厚川原闊，鑱印民淳訟牒閑。  
儻覓遺碑披艸棘，不徒佳句寄關山。

鄰寺聽鐘幾夜燈，選官風味冷于冰。  
驅馳得路初心在，詩酒中間定力能。  
宅相綠窻明月共，分題臘雪曲欄凭。  
西山如畫離筵外，又著春陰到紫藤。